

ՀԱՍՏԱՏՎԱԾ Է

«Հայաստանի ավտոապահովագրողների  
բյուրո» ԻԱՄ խորհրդի  
26/09/2016թ թիվ 37-Լ որոշմամբ  
Փոփոխված է  
28/03/2017թ թիվ 13-Լ որոշմամբ

ԳՐԱՆՑՎԱԾ Է

(վերջին փոփոխությունը գրանցված է)  
ՀՀ կենտրոնական բանկում  
«12» ապրիլի 2017թ

«Հայաստանի ավտոապահովագրողների բյուրո»  
ԻԱՄ խորհրդի նախագահ

ՀՀ կենտրոնական բանկի նախագահ

----- Ներսես Երիցյան

----- Արթուր Զավադյան

## ԿԱՆՈՆՆԵՐ RL 1-002

### «ՀԱՅԱՍՏԱՆԻ ԱՎՏՈԱՊԱՀՈՎԱԳՐՈՂՆԵՐԻ ԲՅՈՒՐՈ» ԻՐԱՎԱԲԱՆԱԿԱՆ ԱՆՁԱՆՑ ՄԻՈՒԹՅԱՆ

(«ՀԱՅԱՍՏԱՆԻ ԱՎՏՈԱՊԱՀՈՎԱԳՐՈՂՆԵՐԻ ԲՅՈՒՐՈ» ԻՐԱՎԱԲԱՆԱԿԱՆ ԱՆՁԱՆՑ  
ՄԻՈՒԹՅԱՆ ԵՎ ՎԵՐՋԻՆԻՍ ԱՆԴԱՄ ԱՊԱՀՈՎԱԳՐԱԿԱՆ ԸՆԿԵՐՈՒԹՅՈՒՆՆԵՐԻ ՄԻՋԵՎ  
ԱՊԱՀՈՎԱԳՐԱԿԱՆ ՀԱՏՈՒՑՈՒՄՆԵՐԻ ԳԾՈՎ ՓՈԽԱԴԱՐՁ ՀԱՇՎԱՐԿՆԵՐԻ  
ԻՐԱԿԱՆԱՑՄԱՆ)

## ԳԼՈՒԽ 1.

### ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոններով սահմանվում են Բյուրոյի և Ապահովագրողների միջև Օրենքի և ԱՊՊԱ ընդհանուր պայմանների համաձայն վճարված ապահովագրական հատուցումներով պայմանավորված փոխադարձ հաշվարկների (այսուհետ՝ փոխհաշվարկ) իրականացման կարգը, ժամկետները և վեճերի լուծման կարգը:

2. Սույն կանոններով Ապահովագրողի՝ ներառյալ ԴՍԱ-ի և ՀՊԱ-ի համար սահմանված դրույթները տարածվում են նաև Բյուրոյի վրա:

## ԳԼՈՒԽ 2.

### ՀԱՍԿԱՑՈՒԹՅՈՒՆՆԵՐ

3. Սույն կանոններում կիրառվող հասկացություններն ունեն ԱՊՊԱ ընդհանուր պայմաններով նախատեսված նշանակությունը: ԱՊՊԱ ընդհանուր պայմաններով չնախատեսված հետևյալ հասկացությունները սույն կանոններում օգտագործվում են հետևյալ իմաստով՝

1) **Փոխհաշվարկի ենթակա դեպք՝** դեպք, որի ժամանակ սկիզբ է առնում ՀՊԱ-ի պարտավորությունը փոխհատուցելու ԴՍԱ-ին,

2) **Փոխհաշվարկի հիմքում ընկած հատուցում՝** ԴՍԱ-ի կողմից տվյալ հատուցման գծով տուժողին փաստացի վճարված Օ-ից բարձր ապահովագրական հատուցման գումար,

3) **Փոխհաշվարկի հետ կապված պահանջ՝** փոխհաշվարկի հիմքում ընկած հատուցման հիման վրա սույն կանոններով նախատեսված կարգով հաշվարկված գումար, որի չափով ԴՍԱ-ն տվյալ հատուցման գծով պահանջ է ձեռքբերում ՀՊԱ-ի նկատմամբ:

## ԳԼՈՒԽ 3.

### ՓՈԽՀԱՇՎԱՐԿԻ ԵՆԹԱԿԱ ԴԵՊԲԵՐԸ ԵՎ ՓՈԽՀԱՇՎԱՐԿԻ ՀԵՏ ԿԱՊՎԱԾ ՊԱՀԱՆՋՆԵՐԻ ՀԱՇՎԱՐԿՄԱՆ ՄԵԹՈԴԱԲԱՆՈՒԹՅՈՒՆԸ, ՓՈԽՀԱՇՎԱՐԿԻ ԳՈՐԾԸՆԹԱՑՈՒՄ ԿԻՐԱՌՎՈՂ ՍԱՀՄԱՆԱՓԱԿՈՒՄՆԵՐԸ

4. Սույն կանոնների համաձայն ԴՍԱ-ն ՀՊԱ-ի նկատմամբ պահանջի իրավունք է ձեռքբերում այն դեպքում (դեպքերում), երբ ԴՍԱ-ն ԱՊՊԱ ընդհանուր պայմաններով սահմանված կարգով ՀՊԱ-ի անունից կամ համապարտության կարգով տուժողին կամ նրա իրավահաջորդին փաստացի հատուցել է տուժողին պատճառված վնասները:

5. Սույն կանոններով ՀՊԱ-ի նկատմամբ ԴՍԱ-ի՝ Փոխհաշվարկի հետ կապված պահանջի չափը յուրաքանչյուր հատուցման գծով հաշվարկվում է հետևյալ բանաձևով՝

<b>Բանաձևը</b>	<b>Բանաձևում կատարված նշանակումները</b>	<b>Նշանակումների բացատրությունը</b>
----------------	---	-------------------------------------

<b><math>\Phi_{\text{Պ}} = \Phi_{\text{վ}} / U_{\text{p}} * U_{\text{ՀՊԱ}} * 1.05</math></b>	<b>ՓՊ</b>	Փոխհաշվարկի հետ կապված ՀՊԱ-ի նկատմամբ պահանջի չափն է՝ տվյալ հատուցման գծով	
	<b>Փվ</b>	Գույքին պատճառված վնասների դեպքում	Փոխհաշվարկի հիմքում ընկած հատուցման չափն է՝ վերահաշվարկված սույն կանոնների հավելված 1-ով նախատեսված միջինացման մեթոդաբանությամբ: Ընդ որում, փոխադարձ հաշվարկներում միևնույն ապահովագրական պատահարի հետ կապված միևնույն տուժողին գույքային հատուցման գծով վճարված հատուցման գումարը կարող է մասնակցել մեկ անգամ՝ առաջին անգամ միանվագ մեկանգամյա վճարման չափով՝ անկախ հետագայում դատական ակտի, ֆինանսական համակարգի հաշտարարի որոշման հիման վրա կամ այլ ցանկացած հիմքով լրացուցիչ վճարում կատարելու հանգամանքից:
			Անձնական վնասների դեպքում
	<b>U<sub>p</sub></b>	Տուժողին պատճառված վնասում տուժողից բացի մեղավոր անձանց քանակն է, պատահարում տուժողից բացի մեղավոր անձանց	

		բացակայության դեպքում (եթե դա հատուցման մերժման հիմք չի հանդիսանում)՝ պատահարում ներգրավված բոլոր ավտոտրանսպորտային միջոցների քանակը
	ՄՀՊԱ	ՀՊԱ-ի կողմից կնքված և պատահարի պահին գործող ԱՊՊԱ պայմանագրում նշված և պատահարում ներգրավված այն ավտոտրանսպորտային միջոցների քանակն է, որոնց վարորդները մեղավոր են ճանաչվել տուժողին պատճառված վնասում, իսկ պատահարում տուժողից բացի մեղավոր անձանց բացակայության դեպքում (եթե դա հատուցման մերժման հիմք չի հանդիսանում)՝ ՀՊԱ-ի կողմից կնքված և պատահարի պահին գործող ԱՊՊԱ պայմանագրում նշված և պատահարում ներգրավված բոլոր ավտոտրանսպորտային միջոցների քանակը
	1.05	Գործակից է, որը նախատեսված է ԴՍԱ-ի կողմից տուժողին հատուցված գումարի 5%-ի չափով ԴՍԱ-ի գործավարման ծախսերի փոխհատուցման նպատակով

6. ԴՍԱ-ից փոխհաշվարկի պահանջ ստացած Ապահովագրողն իրավունք ունի չընդունել ներկայացված պահանջը (ընդունել մասամբ) և համապատասխանաբար դրա դիմաց որևէ վճարումներ (փոխադարձ հաշվարկներ) չկատարել (կատարել մասամբ) կամ ԴՍԱ-ին արդեն իսկ վճարված գումարները հետ պահանջել, եթե՝

1) առկա են եղել ԱՊՊԱ ընդհանուր պայմաններով նախատեսված հիմքեր հատուցում վճարելու վերաբերյալ դիմումը մերժելու կամ հատուցման գումարը նվազեցնելու համար, սակայն ԴՍԱ-ն վճարել է հատուցումը (ամբողջությամբ է վճարել հատուցման գումարը), որի մասին ՀՊԱ-ն գրավոր տեղեկացրել է ԴՍԱ-ին վերջինիս կողմից ԱՊՊԱ ընդհանուր պայմանների համաձայն ապահովագրական հատուցումը վճարելու (մերժելու) փաթեթը իրեն ծանուցելվուց հետո՝ կրկնակի փորձաքննություն պահանջելու համար նախատեսված ժամկետներում,

2) վճարված ապահովագրական հատուցումը գերազանցում է ԱՊՊԱ ընդհանուր պայմաններով սահմանված ապահովագրական գումարը,

3) ԴՍԱ-ն ԱՊՊԱ ընդհանուր պայմաններով սահմանված հատուցման փաթեթը չի ծանուցել իրեն կամ ծանուցել է այնպիսի ժամկետներում, որը գրկել է վերջինիս պատահարի առաջացման պատճառների կրկնակի փորձաքննություն պահանջելու իր իրավունքից, եթե նման իրավունք տվյալ դեպքով նախատեսված է ՀՊԱ-ի համար,

4) ԴՍԱ-ի կողմից հատուցում վճարելուց հետո օրինական ուժի մեջ է մտել դատական ակտ, որով հաստատված հանագամանքները հիմք են ԱՊՊԱ ընդհանուր պայմանների համաձայն հատուցում վճարելու վերաբերյալ դիմումը մերժելու կամ հատուցման գումարը նվազեցնելու համար,

5) օրենսդրությամբ սահմանված իրավասու մարմինների կողմից հաստատվել է, որ փոխադարձ հաշվարկների համար ներկայացված գործերում առկա են կեղծ տեղեկություններ, որոնք կարող են ազդեցություն ունենալ ապահովագրական հատուցումը վճարելու (մերժելու, մասնակի վճարելու) որոշման վրա,

6) պահանջ ստացած Ապահովագրողը ՀՊԱ չէ,

7) տուժողին պատճառված վնասը հնարավոր է եղել տարանջատել՝ ըստ մի քանի վնաս պատճառողների, սակայն ԴՍԱ-ն փոխհաշվարկի հիմքում ընկած հատուցման գումարը հավասարաչափ է բաշխել ՀՊԱ-ների (նրանց կողմից ապահովագրված անձանց) միջև,

8) այդ իրավունքը հաստատվել է օրինական ուժի մեջ մտած դատական ակտով:

7. Սույն կանոնների 6-րդ կետից բացի մնացած բոլոր դեպքերում ՀՊԱ-ն պարտավոր է բավարարել ԴՍԱ-ի պահանջները՝ անկախ հատուցման գործընթացում ԴՍԱ-ի կողմից թույլ տրված այլ սխալների կամ բացթողումների առկայությունից:

8. Փոխհաշվարկի ենթակա դեպքով ԴՍԱ-ն կրում է Օրենքով և Բյուրոյի կանոններով սահմանված կարգով՝ ապահովագրական հատուցումը պատշաճ վճարելու հետ կապված պահանջների և ընթացակարգերի պահպանման և սույն կանոններով սահմանված պահանջների պահպանման համար պատասխանատվությունը:

9. Փոխհաշվարկի ենթակա դեպքով ՀՊԱ-ն կրում է սույն կանոններով սահմանված պահանջների պահպանման համար պատասխանատվությունը:

#### **ԳԼՈՒԽ 4.**

##### **ՓՈԽԱԴԱՐՁ ՀԱՇՎԱՐԿՆԵՐԻ ԻՐԱԿԱՆԱՑՄԱՆ ԿԱՐԳՆ ՈՒ ԺԱՄԿԵՏՆԵՐԸ**

10. Ապահովագրողների միջև փոխհաշվարկներն իրականացվում են ամսական մեկ անգամ՝ նախորդ ամսվա համար:

11. Բյուրոն մինչև յուրաքանչյուր ամսվան հաջորդող ամսվա երրորդ աշխատանքային օրն Ապահովագրողներին է տրամադրում յուրաքանչյուրի մասով փոխադարձ հաշվարկների ակտը (այսուհետ՝ Ակտ), ինչպես նաև փոխհաշվարկների կատարման համար անհրաժեշտ տեղեկատվությունը՝ փաստաթղթային և (կամ) համապատասխան հաշվետվության ստացման համար հասանելիություն ապահովելու միջոցով:

12. Յուրաքանչյուր ամսվա համար միասնական ստացված (արտահանված) Ակտում արտացոլված տվյալների վերաբերյալ անհամաձայնություններ կամ պարզաբանման անհրաժեշտություն ունենալու դեպքում Ապահովագրողները դրանք ներկայացնում են

համապատասխան Ապահովագրողներին և վերջիններից պարզաբանումներ են ստանում, կամ նրանց կողմից Տեղեկատվական համակարգում ուղղումներ են կատարվում մինչև տվյալ ամսվան հաջորդող ամսվա 10-րդ աշխատանքային օրը:

13. Ակտի համաձայն յուրաքանչյուր ամսվա համար վճարման պարտավորություն ունեցող ՀՊԱ-ն համապատասխան ԴՍԱ-ին կատարում է Ակտերով նախատեսված վճարումները մինչև տվյալ ամսվան հաջորդող ամսվա 15-րդ աշխատանքային օրը, իսկ սույն կանոնների 14-րդ կետով նախատեսված Ակտերի մասով՝ մինչև Բյուրոյի գործադիր տնօրենի կողմից համապատասխան պարզաբանող եզրակացության տրամադրման օրվան հաջորդող հինգերորդ աշխատանքային օրը:

## **ԳԼՈՒԽ 5.**

### **ԱՊԱՀՈՎԱԳՐՈՂՆԵՐԻ ՄԻՋԵՎ ՎԵՃԵՐԻ ԼՈՒԾՄԱՆ ԿԱՐԳԸ, ՓՈԽՀԱՇՎԱՐԿՆԵՐԻ ԲՈՂՈՔԱՐԿՈՒՄԸ, ՏՈՒՅԺԵՐԸ ԵՎ ՏՈՒԳԱՆՔՆԵՐԸ**

14. Ապահովագրողների մոտ յուրաքանչյուր ամսվա համար նախատեսված Ակտերում արտացոլված այն տվյալների գծով դիտողությունները, որոնց գծով սահմանված ժամկետում Ապահովագրողների միջև համաձայնություն ձեռք չի բերվել, ներկայացվում են Բյուրո մինչև տվյալ ամսվան հաջորդող ամսվա 15-րդ աշխատանքային օրը: Բյուրոյի պահանջով՝ Ապահովագրողները պարտավոր են 2 աշխատանքային օրվա ընթացքում տրամադրել անհամաձայնությունների համար հիմք հանդիսացող Փոխհաշվարկի ենթակա դեպքի հետ կապված՝ իրենց մոտ առկա անհրաժեշտ տեղեկությունները, փաստաթղթերն ու պարզաբանումները:

15. Ներկայացված անհամաձայնությունների վերաբերյալ Բյուրոյի գործադիր տնօրենը տասն աշխատանքային օրվա ընթացքում տրամադրում է պարզաբանող եզրակացություն, որը պարտադիր է Ապահովագրողների համար և համարվում է վերջնական հիմք Ակտին (ճշգրտված Ակտին) համապատասխան փոխհաշվարկի իրականացման համար:

16. Բյուրոյի գործադիր տնօրենի կողմից տրված պարզաբանող եզրակացության բողոքարկումը դատական կարգով չի կասեցնում սույն կանոններով սահմանված կարգով և ժամկետներում համապատասխան փոխհաշվարկների իրականացումը:

17. Սույն կանոններով նախատեսված վճարման ժամկետները կետանցելու դեպքում ՀՊԱ-ն պարտավոր է ԴՍԱ-ի պահանջով վերջինին վճարել տույժեր յուրաքանչյուր կետանցված օրվա համար փոխադարձ հաշվարկների ակտով նախատեսված վճարման ենթակա գումարի 1 տոկոսի չափով:

18. Բյուրոն իրավունք ունի սույն կանոններով նախատեսված պահանջների խախտման համար համապատասխան Ապահովագրողի նկատմամբ որպես կարգապահական տույժ կիրառել տուգանք՝ յուրաքանչյուր խախտման համար 500.000-ից 2.000.000 ՀՀ դրամի չափով:

««Հայաստանի ավտոապահովագրողների բյուրո» իրավաբանական անձանց միության և վերջինիս անդամ ապահովագրական ընկերությունների միջև ապահովագրական հատուցումների գծով փոխադարձ հաշվարկների իրականացման» կանոնների

**ՄԵԹՈՂԱԲԱՆՈՒԹՅՈՒՆ**  
**ԳՈՒՅՔԻՆ ՊԱՏՃԱՌՎԱԾ ՎՆԱՍՆԵՐԻ ԳԾՈՎ ՀԱՏՈՒՑՄԱՆ ԳՈՒՄԱՐԻ**  
**ՄԻՋԻՆԱՑՄԱՆ**

1. Բյուրոն Ապահովագրողների միջև փոխհաշվարկի հետ կապված պահանջները հաշվարկելու նպատակով ԱՊՊԱ պատահարի հետևանքով տուժողների կամ նրանց իրավահաջորդների գույքին պատճառված վնասների գծով Փոխհաշվարկի հիմքում ընկած հատուցումը միջինացնում է հետևյալ ընթացակարգով՝

1) Նախորդ ամսվա ընթացքում բոլոր Ապահովագրողների կողմից գույքին պատճառված վնասների գծով Փոխհաշվարկի հիմքում ընկած հատուցումները մեկ միասնական ցանկում (այսուհետ՝ Ցանկ) դասավորվում և համարակալվում են՝ ըստ աճման կարգի: Միևնույն գումարի հատուցումները դասավորվում են պատահական հերթականությամբ:

2) Սույն հավելվածի 2-րդ կետով սահմանված կարգով պատահականության սկզբունքով ընտրվում է 1-ից 99 ներառյալ (R) թիվ:

3) R-ի արժեքից կախված՝ սույն կետի 1)-ին ենթակետով սահմանված կարգով դասավորված բոլոր հատուցումները խմբավորվում են հետևյալ 2 կամ 3 խմբերում.

ա. Եթե  $R \leq 25$  (դեպք 1), ապա հատուցումները բաժանվում են երեք միջակայքի, որտեղ առաջին միջակայքում ընկնում են Ցանկի 1-ից  $N_{մին}$ -ը ներառյալ տողերում տեղաբաշխված հատուցումների չափերին համարժեք բոլոր հատուցման գումարները, երկրորդ միջակայքում ընկնում են Ցանկի  $N_{մին}$  տողում տեղաբաշխված հատուցման չափը գերազանցող, սակայն  $N_{մաքս}$  տողում տեղաբաշխված հատուցման չափը չգերազանցող բոլոր հատուցման գումարները, և երրորդ միջակայքում ընկնում են Ցանկի  $N_{մաքս}$  տողում տեղաբաշխված հատուցման չափը գերազանցող բոլոր հատուցման գումարները: Ընդ որում, սույն պարբերության իմաստով՝

$N_{մին} = [N_{ամբողջ} \times R/100]$  (վերցվում է ստացված թվի ամբողջ մասը),

$N_{մաքս} = [N_{ամբողջ} \times (100-R)/100]$  (վերցվում է ստացված թվի ամբողջ մասը),

$N_{ամբողջ}$  - ը հատուցումների ընդհանուր քանակն է:

բ. Եթե  $26 \leq R \leq 75$  (դեպք 2), ապա հատուցումները բաժանվում են երկու միջակայքի, որտեղ առաջին միջակայքում ընկնում են Ցանկի 1-ից  $N_{միջ}$ -ը ներառյալ տողերում տեղաբաշխված հատուցումների չափերին համարժեք բոլոր հատուցման գումարները, իսկ երկրորդ միջակայքում ընկնում են Ցանկի  $N_{միջ}$  տողում տեղաբաշխված հատուցման չափը գերազանցող բոլոր հատուցման գումարները: Ընդ որում, սույն պարբերության իմաստով՝

$N_{միջ} = [N_{ամբողջ} \times R/100]$  (վերցվում է ստացված թվի ամբողջ մասը),

$N_{ամբողջ}$  - ը հատուցումների ընդհանուր քանակն է:

գ. Եթե  $76 \leq R \leq 99$  (դեպք 3), ապա հատուցումները բաժանվում են երեք միջակայքի սույն ենթակետի «ա» պարբերությամբ սահմանված կարգով՝ տարբերությամբ, որ  $N_{մին}$ -ը և  $N_{մաքս}$ -ը հաշվարկվում են հետևյալ բանաձևերի հիման վրա՝

$N_{մին} = [N_{ամբողջ} \times (100-R)/100]$  (վերցվում է ստացված թվի ամբողջ մասը),

$N_{մաքս} = [N_{ամբողջ} \times R/100]$  (վերցվում է ստացված թվի ամբողջ մասը):

4) Համապատասխան միջակայքերն ընտրելուց հետո Յանկի յուրաքանչյուր միջակայքի համար հաշվարկվում է տվյալ միջակայքի՝ Փոխհաշվարկի հիմքում ընկած հատուցման միջին չափը (միջակայքի միջին)՝ միջակայքում ընդգրկված՝ Փոխհաշվարկի հիմքում ընկած հատուցումների հանրագումարը բաժանելով դրանց թվաքանակի վրա:

5) սույն կետի համաձայն հաշվարկված միջակայքի միջինը փոխհաշվարկներում որպես միջին կիրառվում է տվյալ միջակայքում ընդգրկված Փոխհաշվարկի հիմքում ընկած բոլոր հատուցումների նկատմամբ:

2. Սույն հավելվածում նշված (R) պատահական թիվն ընտրվում է յուրաքանչյուր ամսվա երկրորդ աշխատանքային օրը՝ Բյուրոյի գրասենյակում [www.random.org](http://www.random.org) ինտերնետային կայքի միջոցով պատահականության սկզբունքով ստացվող 1-ից 99 ներառյալ միջակայքի թվերից: Նշված գործողությունն իրականացվում է Բյուրոյի գործադիր տնօրենի և, ցանկության դեպքում, Ապահովագրողների ներկայացուցիչների մասնակցությամբ (ներկայությամբ): Թվի ընտրության ավարտից հետո ընտրված թիվն ու ընտրության ամսաթիվն արտացոլող ինտերնետային էջը տպագրվում և ստորագրվում է ներկաների կողմից: Սույն ենթակետով նախատեսված ինտերնետային կայքի չափսատելու դեպքում համապատասխան թիվն ընտրվում է ներկաների կողմից որոշված նմանատիպ այլ ինտերնետային կայքի կամ վիճակահանության միջոցով, որի արդյունքները նույնպես արձանագրվում և ստորագրվում են ներկաների կողմից:



«Հայաստանի ավտոապահովագրողների բյուրո» իրավաբանական անձանց միության և վերջինիս անդամ ապահովագրական ընկերությունների միջև ապահովագրական հատուցումների գծով փոխադարձ հաշվարկների իրականացման» կանոնների

ՀԱՎԵԼՎԱԾ 2.1. ՓՈԽԱԴԱՐՁ ՀԱՇՎԱՐԿՆԵՐԻ ՄԱՍԻՆ ԱԿՏԻ ՁԵՎ

ԱԿՏ								
2 ԱՊԱՀՈՎԱԳՐՈՂՆԵՐԻ ՄԻՋԵՎ ԻՐԱԿԱՆԱՑՎՈՂ ՓՈԽԱԴԱՐՁ ՀԱՎԱՐԿՆԵՐԻ ՄԱՍԻՆ								
ԴՄԱ՝ Ա ԸՆԿԵՐՈՒԹՅՈՒՆ, ՀՊԱ՝ Բ ԸՆԿԵՐՈՒԹՅՈՒՆ								
Ա ընկերության անվանում								
Հաշվետու ժամանակահատված (տարի/ամիս)								
ՊԱՀԱՆՋՆԵՐԻ ԽՄԲԵՐԸ								
Խումբ 1. Գույքին պատճառված վնասների գծով հատուցումների փոխհաշվարկների խումբ								
Տվյալ ամսվա համար սահմանված միջակայքեր (ՀՀ դրամ)	Տվյալ միջակայքում ԴՄԱ-ի կողմից ՀՊԱ-ի անունից փաստացի վճարված ապահովագրական հատուցումների չափը (ՀՀ դրամ)	Միջակայքի համար սահմանված միջին (ՀՀ դրամ)	Յուրաքանչյուր միջակայքում ԴՄԱ-ի կողմից հատուցումների քանակ					Տվյալ միջակայքի համար ԴՄԱ-ի պահանջը ՀՊԱ-ի նկատմամբ հատուցումների գծով (ՀՀ դրամ)
			1 Մ <sub>բ</sub>	2 Մ <sub>բ</sub>	3 Մ <sub>բ</sub>	...	n Մ <sub>բ</sub>	
1	2	3	4					5
Առավելագույն գումարի չափ			1 Մ <sub>բ</sub>	2 Մ <sub>բ</sub>	3 Մ <sub>բ</sub>	...	n Մ <sub>բ</sub>	

<b>Ընդամենը բոլոր միջակայքերով</b>										
<b>Պահանջի նկատմամբ հաշվարկված գործավարման ծախսերը (&lt;&lt; դրամ)</b>										
<b>Տվյալ խմբի համար ԴՍԱ-ի ընդհանուր պահանջը ՀՊԱ-ի նկատմամբ (&lt;&lt; դրամ)</b>										
<b>խումբ 2. Անձնական վնասների գծով հատուցումների փոխհաշվարկի խումբ</b>			<b>ԴՍԱ-ի կողմից հատուցված գումար (&lt;&lt; դրամ)</b>					<b>Տվյալ խմբի համար ԴՍԱ-ի պահանջը ՀՊԱ-ի նկատմամբ (&lt;&lt; դրամ)</b>		
			<b>1</b>					<b>2</b>		
			<b>1 Մ<sub>p</sub></b>	<b>2 Մ<sub>p</sub></b>	<b>3 Մ<sub>p</sub></b>	<b>...</b>	<b>n Մ<sub>p</sub></b>			
<b>ԸՆԴԱՄԵՆԸ (ԴՍԱ-ի պահանջները ՀՊԱ-ի նկատմամբ)</b>										
<b>ԴՍԱ՝ Բ ԸՆԿԵՐՈՒԹՅՈՒՆ, ՀՊԱ՝ Ա ԸՆԿԵՐՈՒԹՅՈՒՆ</b>										
<b>Բ ընկերության անվանում</b>										
<b>Հաշվետու ժամանակահատված (տարի/ամիս)</b>										
<b>ՊԱՀԱՆՋՆԵՐԻ ԽՄԲԵՐԸ</b>										
<b>խումբ 1. Գույքին պատճառված վնասների գծով հատուցումների փոխհաշվարկների խումբ</b>										

<b>Տվյալ ամսվա համար սահմանված միջակայքեր</b> <i>(ՀՀ դրամ)</i>	<b>Տվյալ միջակայքում ԴՍԱ կողմից ՀՊԱ անունից փաստացի վճարված ապահովագրական հատուցումների չափը</b> <i>(ՀՀ դրամ)</i>	<b>Միջակայքի համար սահմանված միջին</b> <i>(ՀՀ դրամ)</i>	<b>Յուրաքանչյուր միջակայքում ԴՍԱ-ի կողմից հատուցումների քանակ</b>					<b>Տվյալ միջակայքի համար ԴՍԱ-ի պահանջը ՀՊԱ-ի նկատմամբ</b> <b>հատուցումների գծով</b> <i>(ՀՀ դրամ)</i>
			<b>4</b>					
<b>1</b> <b>Առավելագույն գումարի չափ</b>	<b>2</b>	<b>3</b>	<b>1 Մ<sub>p</sub></b>	<b>2 Մ<sub>p</sub></b>	<b>3 Մ<sub>p</sub></b>	<b>...</b>	<b>n Մ<sub>p</sub></b>	
<b>Ընդամենը բոլոր միջակայքերով</b>								
<b>Պահանջի նկատմամբ հաշվարկված գործավարման ծախսերը</b> <i>(ՀՀ դրամ)</i>								
<b>Տվյալ խմբի համար ԴՍԱ-ի ընդհանուր պահանջը ՀՊԱ-ի նկատմամբ</b> <i>(ՀՀ դրամ)</i>								
<b>Խումբ 2. Անձնական վնասների գծով հատուցման պարտավորությամբ հատուցումների խումբ</b>	<b>ԴՍԱ-ի կողմից հատուցված գումար</b> <i>(ՀՀ դրամ)</i>							<b>Տվյալ խմբի համար ԴՍԱ-ի պահանջը ՀՊԱ-ի նկատմամբ</b> <i>(ՀՀ դրամ)</i>
	<b>1</b>							<b>2</b>
	<b>1 Մ<sub>p</sub></b>	<b>2 Մ<sub>p</sub></b>	<b>3 Մ<sub>p</sub></b>	<b>...</b>	<b>n Մ<sub>p</sub></b>			

<b>ԸՆԴԱՄԵՆԸ</b> (ԴՍԱ-ի պահանջները ՀՊԱ-ի նկատմամբ)		
<b>ՓՈԽԱԴԱՐՁ ՀԱՇՎԱՐԿՆԵՐԻ ԱՐԴՅՈՒՆՔՈՒՄ ՎՃԱՐՄԱՆ ԵՆԹԱԿԱ ԳՈՒՄԱՐ</b>		
<b>Բ ընկերությունը վճարում է Ա ընկերությանը</b>		<i>ՀՀ դրամ</i>
<b>Ա ընկերությունը վճարում է Բ ընկերությանը</b>		<i>ՀՀ դրամ</i>

Սույն ակտը կազմված է երկու օրինակից, ակտի կողմ համարվող յուրաքանչյուր ընկերության համար մեկական օրինակով:

<b>Ա ընկերության անունից</b>			<b>Բ ընկերության անունից</b>		
(անունը և ազգանունը, պաշտոնը)	(ստորագրություն)	(ա.ա.տ.)	(անունը և ազգանունը, պաշտոնը)	(ստորագրություն)	(ա.ա.տ.)

**ՀԱՎԵԼՎԱԾ 2.2. ՓՈԽԱԴԱՐՁ ՀԱՇՎԱՐԿՆԵՐԻ ՄԱՍԻՆ ԱԿՏԻ ԼՐԱՑՄԱՆ ՀՐԱՀԱՆԳ**

<b>Ակտի՝ լրացման ենթակա դաշտի անվանումը</b>	<b>Տվյալ դաշտում լրացվող տեղեկատվության բովանդակությունը</b>
<b>Ա ընկերության անվանում</b>	այն ապահովագրողի անվանումը, որը տվյալ ապահովագրական հատուցման գծով հանդիսացել է ԴՍԱ
<b>Հաշվետու ժամանակահատված (տարի/ամիս)</b>	հաշվետու տարին և ամիսը՝ ամիս/տարի ֆորմատով և հաջորդականությամբ
<b>Խումբ 1. Գույքին պատճառված վնասների գծով հատուցումների փոխհաշվարկների խումբ</b>	
<b>Տվյալ ամսվա համար սահմանված միջակայքեր (ՀՀ դրամ)</b>	հաշվետու ժամանակահատվածի համար սույն կանոնների Հավելված 1-ով սահմանված կարգով որոշված գույքային վնասների գծով հատուցումների գումարների միջակայքերի համապատասխանաբար առավելագույն և նվազագույն սահմանները
<b>Տվյալ միջակայքում ԴՍԱ-ի կողմից ՀՊԱ-ի անունից փաստացի վճարված ապահովագրական հատուցումների չափը (ՀՀ դրամ)</b>	յուրաքանչյուր միջակայքի շրջանակներում համապատասխան ԴՍԱ-ի (Ա կամ Բ ընկերություն) կողմից հաշվետու ժամանակահատվածում գույքին պատճառված վնասների գծով ՀՊԱ-ի (Բ կամ Ա ընկերություն) անունից փաստացի վճարված հատուցումների չափը
<b>Միջակայքի համար սահմանված միջին (ՀՀ դրամ)</b>	հաշվետու ժամանակահատվածի համար համապատասխան միջակայքում ընկնող ապահովագրական հատուցումների համար սույն կանոնների Հավելված 1-ով սահմանված կարգով որոշված ապահովագրական հատուցման միջինացված գումարը
<b>Յուրաքանչյուր միջակայքում ԴՍԱ-ի կողմից հատուցումների քանակ</b>	յուրաքանչյուր միջակայքի շրջանակներում համապատասխան ԴՍԱ-

	<p>ի (Ա կամ Բ ընկերություն) կողմից հաշվետու ժամանակահատվածում գույքին պատճառված վնասների գծով փաստացի վճարված հատուցումների քանակը՝ ըստ Մ<sub>բ</sub>-ի, որոնց գծով ԴՍԱ-ն սույն կանոնների համաձայն պահանջի իրավունք է ձեռք բերել ՀՊԱ-ի (Բ կամ Ա ընկերություն) նկատմամբ: Ընդ որում, տվյալ պատահարում մեկից ավելի Մ<sub>ՀՊԱ</sub> լինելու դեպքում յուրաքանչյուր Մ<sub>ՀՊԱ</sub> -ի գծով հատուցումների հաշվարկը և սույն սյունակում արտացոլումն իրականացվում է առանձին: Ընդ որում, փոխադարձ հաշվարկներում միևնույն ապահովագրական պատահարի հետ կապված միևնույն տուժողին վճարված հատուցման գումարը կարող է մասնակցել մեկ անգամ՝ միանվագ մեկանգամյա վճարման չափով՝ անկախ հետագայում դատական ակտի, ֆինանսական համակարգի հաշտարարի որոշման հիման վրա կամ այլ հիմքով լրացուցիչ վճարում կատարելու հանգամանքից:</p>
<p align="center"><b>Տվյալ միջակայքի համար ԴՍԱ-ի պահանջը ՀՊԱ-ի նկատմամբ՝ հատուցումների գծով (ՀՀ դրամ)</b></p>	<p>Յուրաքանչյուր միջակայքի համար ԴՍԱ-ի ընդհանուր պահանջը համապատասխան ՀՊԱ-ի նկատմամբ, որը հաշվարկվում է տվյալ միջակայքի համար սահմանված միջինը այդ միջակայքում ԴՍԱ-ի կողմից հատուցումների քանակներով բազմապատկելու և համապատասխան Մ<sub>բ</sub> -ների քանակի վրա բաժանելու միջոցով</p>
<p align="center"><b>Ընդամենը բոլոր միջակայքերով</b></p>	<p>2-րդ սյունակում լրացվում է ԴՍԱ-ի (Ա կամ Բ ընկերություն) կողմից հաշվետու ժամանակահատվածում գույքին պատճառված վնասների գծով ՀՊԱ-ի (Բ կամ Ա ընկերություն) անունից փաստացի վճարված բոլոր հատուցումների չափը, որը հաշվարկվում է բոլոր միջակայքերում նշված՝ տվյալ ընկերության կողմից մյուս</p>

	<p>ընկերության անունից փաստացի վճարված ապահովագրական հատուցումների չափերն իրար գումարելու միջոցով</p>
	<p>5-րդ սյունակում լրացվում է գույքին պատճառված վնասների գծով հատուցումների վճարման հիման վրա ԴՍԱ-ի մոտ առաջացած ընդհանուր պահանջը համապատասխան ՀՊԱ-ի նկատմամբ, որը հաշվարկվում է բոլոր միջակայքերում նշված՝ հատուցումների գծով մյուս ընկերության նկատմամբ տվյալ ընկերության պահանջի չափերն իրար գումարելու միջոցով</p>
<p><b>Պահանջի նկատմամբ հաշվարկված գործավարման ծախսերը</b> (&lt;&lt; դրամ)</p>	<p>Գույքին պատճառված վնասների հատուցման կարգավորման նպատակով կատարված գործավարման ծախսերի գծով ԴՍԱ-ի մոտ առաջացած ընդհանուր պահանջը համապատասխան ՀՊԱ-ի նկատմամբ, որը հաշվարկվում է տվյալ խմբի համար «Ընդամենը բոլոր միջակայքերով» տողի 5-րդ սյունակում լրացված թիվը 0,05 գործակցով բազմապատկելու միջոցով</p>
<p><b>Տվյալ խմբի համար ԴՍԱ-ի ընդհանուր պահանջը ՀՊԱ-ի նկատմամբ</b> (&lt;&lt; դրամ)</p>	<p>Գույքին պատճառված վնասների հատուցման գծով ԴՍԱ-ի մոտ առաջացած ընդհանուր պահանջը համապատասխան ՀՊԱ-ի նկատմամբ, որը հաշվարկվում է տվյալ խմբի համար «Ընդամենը բոլոր միջակայքերով» տողի 5-րդ սյունակում և «Պահանջի նկատմամբ հաշվարկված գործավարման ծախսերը» տողում լրացված թվերի գումարման միջոցով</p>
<p><b>Խումբ 2. Անձնական վնասների գծով հատուցումների փոխհաշվարկի խումբ</b></p>	
<p><b>ԴՍԱ-ի կողմից հատուցված գումար</b> (&lt;&lt; դրամ)</p>	<p>համապատասխան ԴՍԱ-ի (Ա կամ Բ ընկերություն) կողմից հաշվետու ժամանակահատվածում անձնական վնասների գծով փաստացի վճարված հատուցումների գումարը՝ ըստ Մ<sub>բ</sub> -ի,</p>

	որոնց գծով ԴՍԱ-ն սույն կանոնների համաձայն պահանջի իրավունք է ձեռք բերել ՀՊԱ-ի (Բ կամ Ա ընկերություն) նկատմամբ: Ընդ որում, տվյալ պատահարում մեկից ավելի ՄՀՊԱ լինելու դեպքում յուրաքանչյուր ՄՀՊԱ -ի գծով հատուցումների հաշվարկը և սույն սյունակում արտացոլումն իրականացվում է առանձին
<b>Տվյալ խմբի համար ԴՍԱ-ի պահանջը ՀՊԱ-ի նկատմամբ (ՀՀ դրամ)</b>	Անձնական վնասների հատուցման գծով ԴՍԱ-ի մոտ առաջացած ընդհանուր պահանջը համապատասխան ՀՊԱ-ի նկատմամբ, որը հաշվարկվում է ԴՍԱ-ի կողմից հատուցված գումարներն ըստ սյունակների համապատասխան Մք-ների քանակի վրա բաժանելու, և արդյունքները իրար գումարելու և 1.05 գործակցով բազմապատկելու միջոցով
<b>ԸՆԴԱՄԵՆԸ (ԴՍԱ-ի պահանջները ՀՊԱ-ի նկատմամբ)</b>	Հաշվետու ժամանակահատվածում բոլոր տեսակի հատուցումների գծով ԴՍԱ-ի մոտ առաջացած ընդհանուր պահանջը համապատասխան ՀՊԱ-ի նկատմամբ, որը հաշվարկվում է բոլոր խմբերի համար հաշվարկված պահանջների գումարները գումարելու միջոցով
<b>ՓՈՒՍԱԴԱՐՁ ՀԱՇՎԱՐԿՆԵՐԻ ԱՐԴՅՈՒՆՔՈՒՄ ՎՃԱՐՄԱՆ ԵՆԹԱԿԱ ԳՈՒՄԱՐ</b>	
<b>Բ ընկերությունը վճարում է Ա ընկերությանը</b>	Առաջին և երկրորդ «ԸՆԴԱՄԵՆԸ (ԴՍԱ-ի պահանջները ՀՊԱ-ի նկատմամբ)» դաշտերում նշված գումարների տարբերությունը
<b>Ա ընկերությունը վճարում է Բ ընկերությանը</b>	Երկրորդ և առաջին «ԸՆԴԱՄԵՆԸ (ԴՍԱ-ի պահանջները ՀՊԱ-ի նկատմամբ)» դաշտերում նշված գումարների տարբերությունը
<b>Ա ընկերության անունից</b>	Ա ընկերության անունից Ակտն ստորագրող անձի անունը, ազգանունը, ընկերությունում զբաղեցրած պաշտոնը,



	ստորագրությունը և ստորագրության ամսաթիվը, ամիսն ու տարին
<b>Բ ընկերության անունից</b>	Բ ընկերության անունից Ակտն ստորագրող անձի անունը, ազգանունը, ընկերությունում զբաղեցրած պաշտոնը, ստորագրությունը և ստորագրության ամսաթիվը, ամիսն ու տարին
<p>Ակտում լրացման ենթակա տեղեկատվությունը կարող է ինքնաշխատ եղանակով ստացվել Բյուրոյի կողմից ստեղծված համապատասխան միասնական էլեկտրոնային համակարգից: Նման համակարգի օգտագործման ուղեցույցը, որը պարունակում է նաև հարթակում յուրաքանչյուր Ապահովագրողի և Բյուրոյի կողմից փոխհաշվարկների համար մուտքագրման ենթակա տեղեկատվության կազմն ու կառուցվածքը, մուտքագրման կարգը, Ապահովագրողների՝ միմյանց միջև և Բյուրոյի հետ հատուցումների գծով փոխանակվող տեղեկատվության կազմն ու փոխանակման կարգը, հաստատվում և փոփոխվում է Բյուրոյի գործադիր տնօրենի կողմից: Ուղեցույցը և դրա փոփոխությունները գործողության մեջ դրվելու պահից առնվազն 10 օր առաջ Բյուրոյի կողմից ուղարկվում են Ապահովագրողներին և պարտադիր են կիրառության համար:</p>	